



f-
i-
a-
n-
i-
s-
d-
n-
e-
s-
z-
n-
l-
-
h-
i-
-
e-
s-
n-

I Mp
omn
ab ign
ration
motu
inepta
mum,
dei ax
ut pro
tiones
sat fo
pecca
poena
lix er
ma su
corde
ferme
surre
rever
grati
lume
quan
trans
mine

S. T. 13

FASCICULUS
MYRRHÆ,

sive Considerationes

de

SACRIS VULNERIBUS
CHRISTI;


collectæ ex Opusculo

A.R.P. VINCENTII CARAFFÆ,
Societatis Jesu Praepositi Generalis;

Dominis Dominis Sodalibus
Congregationis Latinæ Majoris
Beatissimæ Virginis ab Arch-
Angelo salutatæ

In Cæsareo-Academico Societatis
Jesu Collegio Wratislaviæ

In strena M anni In Choate
DICatæ.



Wratislaviæ in Summo,
Impressit ANDR. FRANC. PEGA,
Seren. & Reverend. Princ. & Episcopi

Typographus Aulicæ;

Josephi Kiełkowicæ

SUB RECTORATU
*Reverendissimi, Perillustris, ac
Amplissimi Domini,*
D O M I N I
LUDOVICI,
Sacri & Exempti Ordinis
Cisterciensis,
Antiquissimi, & Ducalis Cœno-
bii Lubensis Divinâ Providen-
tiâ ABBATIS,
Per utramque Silesiam VICARII
GENERALIS,
Ecclesiæ Collegiatæ Lignitiæ
PRÆPOSITI PERPETUI,
Nec non
Celeberrimi Sancti-Monialium
Monasterii in Trebnitz
VISITATORIS ORDINARII,
& PATRIS IMMEDIATI:
DOMINI DOMINI
ac Patroni munificentissimi.



Ad Lectorem.

S. Bernardus Tract. de Pass. D. N.

Cap. 44.

EN stat Dominus Iesus Rex tuus expansis manibus, nudo corpore, manibus simul & pedibus perforatis, capite inclinato. Confortare nunc & elevare anima mea misera & infirma, & alis fideli & spei ad hunc hortum charitatis enitere, & totum mentis intuitum per varia dispersum in unum collige, ac apū sedulitatem imitans ad conficiendum tibi met devotionis ad paradisum charitatis ascende. Non est elevatas in crucem, ut se difficilem præberet accedere ad eum volentibus, sed magis ut omnibus posset paratior inveniri. Accedens ergo cum fiducia ad hunc Paradisum in exten-

fione brachiorum cognosce, suscipe
affectum paratum ad tuos, & te
ad suos invitantis amplexus, &
quasi misericorditer clamantis:
Revertere, Revertere Sunamitis,
ut intueamur te. Intra ergo, ani-
ma, Paradisum omnibus Para-
disis meliorem, nunc quidem solo
cogitationis affectu, ut postea ani-
ma & corpore cœlestem Paradis-
um valeas introire. Nec brevi-
ter amplexandus est iste Para-
disus, sed volandum per singulos
illius flores, & singulorum florum
folia sunt sugenda: nunc ad dexte-
ram, nunc ad sinistram rivulos
guttasque sanguinis spargentem
est accedendum. In horum con-
templatione repeate frequenter:
Redde mihi letitia salutaris tui;
ad instar Apis, quæ inter volan-
dum quendam sonum habet, donec
in florem intret. Accede tandem


ad

ad Cor humilium altissimi Iesu
per januam lateris lanceati, ibi
thesaurus ineffabilis claritatis
latet, ibi nova devotio invenitur,
inde lacrymarum gratia extrahi-
tur, discitur mansuetudo, pati-
entia in adversis, compassio in af-
flictis, & præcipue cor contritum
& humiliatum ibi invenitur. Ipse
Iesus complexus tuos desiderat,
talis, ut complectatur, exspectat,
caput floridum multis spinarum
aculeis confossum ad te inclinat,
ut ad pacis osculum te invitet.
Redde vicem, & super vulnera
mea misericordiam commovere, &
pone me talem, qualem vides, ut
signaculum super cor tuum, signa-
culum in brachio tua, ut in omnibus
cogitationibus cordis tui, & ope-
rationibus brachii tui mibi tali-
ter, ut vides, signato similis in-
veniaris.

Sanet. Bernard. Serin. 43.
in Cant.

Hæc meditari dixi sapientiam,
in his justitiæ mihi perfecti-
onem constitui, in his plenitudi-
nem scientiæ, in his divitias sa-
lutis, in his copias meritorum.
Hæc me erigunt in adversis, in
prosperis reprimunt, & inter
læta tristiaque vitæ præsentis
via regia incedenti tutum præ-
bent utrobique ducatum. Pro-
pterea hæc mihi in ore frequen-
ter, sicut vos scitis, hæc in corde
semper, sicut Deus scit. Hæc
stylo meo admodum familiaria,
sicut apparent. Hæc mea sublimior
interim Philosophia, scire Iesum,
& hunc Crucifixum.

CON-



CONSIDERATIO I.

De Amore, Dolore, & Pretio Vulnerum Christi,

I.

Vulneratus est propter iniquitates nostras. Causa Vulnerum Christi non fuere clavi, aut lancea, sed tua peccata. Vulneratus est Christus ex puro amore ad tuam utilitatem, ut te liberaret à peccatis & morte, & conferret gratiam & veram vitam. Idque totum præstítit absque intuitu ullius proprii commodi. Hanc amoris puritatem & tu imitaberis, quærendo in rebus omnibus, non quæ tua sunt, sed quæ Iesu Christi.

2. Dolor Christi juxta immensitatem amoris fuit immensus: majorque fuit

dolor , quo tibi propter tua peccata & damnationem tuam condolebat , quam fuerit de propria crucifixione & morte . Hunc amorem , & hunc dolorem assidue ruminabis immersus vulneribus Christi , rogabisque Dominum cum S. Augustino : Scribe Domine vulnera tua in cordo mea pretioso sanguine tuo , ut legam in eis amorem tuum ad contemnendum pro te omnem amorem ; dolorem tuum , ad sustinendum pro te omnem dolorem .

3. Vulnera Christi pretium accipiunt ab Unione cum infinita persona Verbi , suntque deifica non solùm in seipsis , sed etiam in nobis . Per illa enim , & in illis transformamur in quoddam esse Divinum , & omnem humanam naturam transcendens . Ita loquitur S. Bonaventura : Passio amabilis & admirabilis , quæ suum meditatorē alienat , & non solùm reddit Angelicum , sed Divinum .

CON-

CONSIDERATIO II.

*De Dolore, quem Christus in
vulneribus sensit.*

Intensissimus omnino fuit dolor, quem Christus Dominus noster in quinque vulneribus sensit. Primò propter locum, in quo ea passus est. Namque manus, & pedes sunt partes maximè nervosæ, & sensitivæ. In his carnes clavi dilacerarunt, terebrarunt venas, perruperunt nervos, & arterias, cum incredibili spasmo Domini.

2. Maximus fuit ob violentam distensionem corporis, quam adhibuerunt cartifex, ut & manus & pedes designatis foraminibus applicarent. Fuitque hæc distractio similis poenæ equulei, & major, quia fuit tanta, ut omnia peccatoris & totius corporis ossa dinumerari singulatim possent, ut prævidit Prophetæ, qui dicebat; *Dinumeraverunt omnia ossa mea.*

3. Ut ob pondus corporis in equuleo
semper crescit dolor, & tandem fit in-
tolerabilis : ita & Christo in cruce pen-
denti aggravabantur dolores, & cresce-
bant accedente nova carnis & venarum
laceratione, nervorumque & arteria-
rum attritu. Adjungebatur continua
ossium divulsio & luxatio, quibus om-
nibus ita creverunt Christi dolores, ut
intensiores esse non possent. Eos, ut
nobis patefaceret, clamavit ad Patrem,
Deus meus, Deus meus, quare me dere-
liquisti ?

Inter omnes hos dolores nullus ma-
jor aut acutior Christum pupugit,
quam tua ingratitudo. Quare S. Ber-
nardus in persona Christi exclamat :
O homo ! vide, quae pro te patior. Non
est dolor, sicut quo crucior. Ad te clamo,
qui pro te morior. Vide paenas, quibus
afficiar ; vide clavos, quibus confodiar.
cum sit dolor tantus exterior, interior est
planctus gravior, cum te tam ingratum
experior.

CON-



CONSIDERATIO III.

*De Desiderio, quod Christus ha-
buit accipiendi vulnera.*

I.

A primo instanti suæ conceptionis Christus se obtulit ad mortem, & mortem Crucis per vulnera manuum, pedum, & lateris perficiendam. *Vota mea, id est, vulnera mea Domino reddam.* Vocantur vota; quia voto oblata fuerunt. Considera itaque quod anima Christi sanctissima mox atque per Creationem ingressa est in theatrum hujus mundi, ex desiderio faciendi rem Patri æterno gratissimam in procuranda nostra salute, se obtulit ad mortem crucis & ad vulnera: atque ut desiderii sui in hoc opere magnitudinem ostenderet, illud votō confirmavit.

2. Duæ fuerunt Christi Cruces, altera spiritualis, quæ à primo instanti conceptionis cœpit: altera corporalis, cui principium datum in præsepio.

A 6 Spir-

Spiritualis Crux consistebat in tristitia interna , quam causabat viva futurorum vulnerum & mortis apprehensio. O sanctissima Christi anima , gratias tibi ago , teque in æternum benedico , propterea quod ab ipso principio tuæ conceptionis adhuc intrà virgineum uterum conclusus suscepisti in te dolorem vulnerum ; priusque ab amore , quam ab odio crucifigi voluisti.

3. Disce anima mea , tua desideria conformare desideriis Christi. *Disce à Christo , quomodo diligas Christum.* Desideria Christi sunt , pati & mori , vulnera , Crux. De his à Patre præceptum accipit. Hæc ipse firmat votō. In illis elucet charitas Christi ardens , insuperabilis , & inæstimabilis. Tua quoque desideria pro scopo habeant ruborem vulnerum , passionis , & mortis pro Christo , & in Christo .

CON-

CONSIDERATIO IV.

*De Cupiditate patiendi, quam
Christus in suis vulneribus
ostendit.*

1. **Q**uamvis vulnera Christo fuerint summo dolori, non tamen pertigerunt ad magnitudinem desiderii patiendi. Ferrum transfixit manus, pedes, & latus; at desiderium totum corpus perforavit. Odium Judæorum adaperuit vulnera in Cruce; desiderium per omnem vitam, inchoando ab utero virginali. Huc tendebat querela Christi ad Patrem æternum: *Deus, Deus meus, ut quid dereliquisti me?* Non petit propter tormenta, quæ patitur; sed propter tormenta, quæ non patitur, inquit Bernardus. Vivere petiit, non propter vitam, sed ut pateretur amplius, & prolongaret mortem.

2. Hanc ob causam vulnera conservavit post resurrectionem; ut, quia

gloria impeditura erat passionem & do-
lorem, memoria saltem vulnerum frue-
retur, substitueretque negato (ut ita
dicam) originali Crucis imaginem,
quam vulnera exprimebant. Baptismo
babeo baptizari, dicebat Christus,
cum de sua morte loqueretur, & quo-
modo coarctor, usque dum perficiatur
illud: Baptismo habebat baptizari suæ
mortis & passionis, affligebatürque
quum differretur, & ajebat: O quanto
ardeo desiderio! O quæ dies meo de-
siderio satisfaciet! O festinate horæ!

3. S. Gertrudem docuit Dominus,
quid homini faciendum sit, cum ima-
ginem Crucifixi intuetur. Imagina-
bitur, inquiebat, se has à Crucifixo
voces accipere: En vides, quomodo
pro te sum vulneratus in Cruce. Si
saluti tuæ expediret, vellem pro te solo
tolerare omnia, quæ toleravi pro toto
mundo. Tantus est amor, quo te pro-
sequor, tantum tuæ in me salutis de-
siderium. S. Brigittæ hæc dixit: Si
fieri

fieri posset, ut toties morerer, quot sunt
animæ in inferno: ego promptissimæ
voluntate, & perfectissimæ charitate
corpus meum traderem: eandemque
passionem & mortem pro qualibet anima
sustinerem, quam sustinui pro omnibus.
Idem suum desiderium aperuit Christus
Carno vindictam de scelerato quodam
postulanti. Cui apparens cum vulne-
ribus hæc dixit: Paratus sum corpore
iterum pro solvandis hominibus pati.
Tu Carpe mortem peccatori illi postu-
las: scito tamen, me tam pro ipso,
quam pro quocunque hominum para-
tum esse de novo pati, & mori.

CONSIDERATIO V. De Pulchritudine Vulnerum Christi.

I.
Si in resuscitatibus corporibus Marty-
rum comparebunt gloriose cicatrices,
quæ Christi causa inflatae sunt; quanto
glori-

gloriosiora credemus futura Christi vulnera , quæ sustinuit & persona divina , & pro gloria Dei . *Vulnera , quæ permanerunt in corpore Christi , ait Doctor Angelicus , non pertinent ad corruptiō nem vel defectum , sed ad majorem cumulum gloriæ . In omnibus membris Corporis Christi reucebat splendor gloriæ conveniens , & proportionatus statui gloriose Filii Dei veri & naturalis . At in locis clavorum , subdit idem , quidam specialis decor apparebat . Considera , ut in foraminibus manuum & pedum inter se continuæ erant venæ , musculi , & arteriæ una cum sanguine : at caro disconnexa erat , ejusque loco vacuitas illa replebatur lumine gloriæ , splendore , & quadam Cœli qualitate , quâ vulnera admirabilia , desiderabilia , & spectatu dignissima reddebantur .*

2. Cuidam , creaturarum pulchritudini plus æquo alligatae , apparuit Christus , ostendens vulnera pulcherrima & gloriosissima , itaque recentia ,

ut

ut ea hora inficta viderentur : tantum
que fuit lumen , & pulchritudo , quæ
inde promicabat , ut anima illa capta
Christiamore omnem creatum exuerit.
Sancta quoque Theresia ex solo unius
vulneris manus aspectu , ita immutata
animo fuit , ut hanc illius pulchritudi-
nem & lumen adamaret super omnia ,
& ab illa hora omnem amorem & pul-
chritudinem mundi abhorreret. Quare
optimè hinc deducit Blosius , quod post
Deum maxima Cœli pulchritudo con-
sistit in Christi vulneribus. *Hæc quin-
que vulnera sanctissima plus pulchritu-
dinis , decoris , & claritatis toti cœlesti
curiæ conferunt , quam omnia alia , quæ
in vita perenni (exceptâ divinitate)
habentur.* Hinc pariter deducamus ,
quantopere dolendum sit , quod in
tantam hæc vulnera oblivionem de-
venerint.

CONSIDERATIO VI.

Quod in vulneribus Christi resplendent attributa divina.

In vulneribus Christi resplendent in summo gradu attributa divina, Potentia, Sapientia, & Bonitas.

1. Divina Potentia in superando, justificando, resurgendo. Superavit in illis omnes inimicos, mundum, dæmonem, carnem. Justificavit peccatores. Quod opus justificationis majoris est potentiae, quam opus creationis. Resuscitavit semetipsum, & alios: quod itidem omnipotentiæ signum est.

2. Manifestatur in Christi vulneribus summa sapientia, quia respectu Patris fuerunt summæ justitiae, respectu verò nostri summæ misericordiae.

3. Manifestatur in iisdem summa bonitas, quandoquidem per eandem mortem sibi per nos illatam liberavit nos à morte, cùm tamen meriti fuissimus pro tali facto mortem æternam.

CON-

CONSIDERATIO VII.

De Memoria Vulnerum Christi.

Necessaria est frequens memoria Vulnerum Christi, quia absque in memoria subsequi non potest imitatio, quâ deficiente non sit applicatio meritorum per gratiam. Quemadmodum pictor imitari non potest aut effingere imaginem, quam non videt: itâ imitari non possumus virtutes & vulnera Christi, nisi prius ea oculo memoriz & considerationis attente contemplemur.

2. Ad hanc memoriam ipse nos Christus invitat: *Recordare paupertatis, & transgressionis meæ, id est excessus amoris & doloris, quem sentio in meis vulneribus.* Respondeat anima fidelis: *Memoriâ memor ero, & tabescet in me anima mea:* hoc est, ab attenta & crebra memoria vulnerum mortificabitur in me, & quasi extinguetur omnis affectus terrenæ concupiscentiae.

piscentiæ. Deficit affectus superbiæ ex consideratione Christi crucifixi, & vulnerati. Deficit spiritus avaritiæ ad aspectum paupertatis Christi crucifixi.

3. Praxis huius memoriæ sic à S. Bernardo describitur : Depinge tibi quasi ante oculos Dominum in Cruce pendentem, & nunc pro clavis, nunc pro lancea suspirabis, & gratias ages : nunc apud manuum, nunc apud pedum vulnera veniam quæres. Hanc vitam vivebat Stephanus Abbas : Die nocte q^uas nibil aliud aspicio, nisi Dominum meum Iesum Christum in cruce pendentem.

CONSIDERATIO VIII. De Gratitudine, quam Vulneribus Christi debemus.

I.
Gratitudo secundum S. Thomam consistit in intellectu, lingua, & opere. Intellectu rimando, & aestimando magnitudinem beneficij ; voce laudando, & agendo gratias benefactori, opere retrí-

retribuendo juxta virium qualitatem.
 Hos tres actus debemus Christo pro beneficio vulnerum , primò æstimando donum valoris & pretii infiniti. Secundò reddendo infinitas laudes in refusionem gratiarum. Tertiò patiendo & agendo pro ipso , & si sors obtigerit, Sanguinem sanguine compensando.

2. Cum aliquando S. Mechtildis à Domino exquireret, quid agere tantum posset, ut se pro beneficio vulnerum gratam ostenderet, apparuit ei Christus, & dixit : Pro vulneribus pedum offeres mihi omnes tuos affectus , & desideria ; pro vulneribus manuum offeres actiones tuas , & passiones ; pro vulnera lateris perfectam conformitatem cum voluntate mea.

3. Considera sententiam S. Bernardi : Gratiarum cessat decursus , ubi recursus non fuerit. Desuit ex vulneribus sanguis pro te , sed non in te , nisi tu facias eum per gratitudinem recurrere ad principium suum, Fons misericordiæ , quem

quem gratus animus scaturire è latere
Christi facit, exsiccatur per ingratitu-
dinis culpam.

CONSIDERATIO IX. Invitatio ad intrandum in Vul- nера Christi.

Ocœcitas filiorum Adæ, exclamat
S. Bonaventura, qui per hæc vulnera in
Christum nesciunt intrare. An igno-
ratis quòd Christus est gaudium Beato-
rum? cur ergo tardatis per sui corporis
foramina in illud gaudium introire?

2. Ecce, aperta est janua Paradisi; ecce lignum vitæ tam in ramis, quam in stipite perfosum. In quibus foraminibus nisi pedes, id est, affectus posueris, non poteris capere fructus ejus.

3. Ecce, apertus est Thesaurus divinæ sapientiae, & charitatis æternæ. Intra ergo per vulnerum aperturam, & cum cognitione magna delicias obtinebis. Replebitur intellectus lumine cœlesti, & affectus consolatione æternâ.

CON-

CONSIDERATIO X.

Modus intrandi in Vulnera Christi.

I.
Non possumus corpore , aut animâ intrare , ut notat S. Bonaventura : sed purgâ spiritu , qui est pars superior animæ secundum intellectum & voluntatem . Hic spiritus , secundum eundem , debet esse *in spiritu* , & *supra spiritum* , & *sine spiritu* ; hoc est , elevatus supra corpus , supra animam , & sine se transformatus in Deum . Ut dicat cum Prophetâ : *Defecit in salutare tuum anima mea* . Ad hanc elevationem , & separationem erigendi sunt oculi amanti Crucifixum , & vulnera per assiduam orationem , & mortificationem , petendûmque à Domino ex pleno affectu , qui ubi vult , spirat ; pertingens usque ad divisionem animæ , & spiritus .

2. Anima hoc modo spiritualis effecta ulterius progredietur intrando , ut

ut idem Bonaventura docet, non solum
mittendo manum suam in latus ejus ;
sed per latus ingrediendo ad cor ejus,
ubi clavis amoris affixa, & lancea chari-
tatis transverberata nihil aliud desi-
deret, quam in cruce mori cum Christo,
& exclamare cum Paulo : Christo con-
fixus sum cruci : vivo ego, jam non
ego, vivit vero in me Christus.

3. Ubi ingressa fuerit anima in vul-
nera & latus Christi , excœcatis eō
sanguine oculis , & ligata vinculis cha-
ritatis , non exibit illinc in æternum.
Id sibi accidisse narrat Bonaventura :
Oculis sanguine repletis , vinculis cha-
ritatis ubique circumflexus reverti ne-
quivi. Cogita quantum , & ex quanto
passus est , & quō amore ; videbisque
majus fuisse vulnus , quod ab amore
acepit , quam quod à ferro , lancea ,
clavis . Quare rogabis ejusdem amo-
ris jaculis configi .

CONSIDERATIO XI.

*De cœlesti Conversatione, quæ in
Christi Vulneribus invenitur.*

Tanta est inter domicilium Vulnerum, & domicilium cœli unio & conformitas; ut qui in uno est, etiam sit in altero, quique se inter angustias vulnerum arctat, dilatat in amplis & deliciosis cœli campestribus. Desideravit Moyses, & à Deo petiit cœli gloriam, ut faciem ejus intueretur, responsūmque ei à Domino: *Est locus apud me, ponam te in foramine petræ.* Ut me videas, capies domicilium meo proximum in petra perforata, quæ Dominum vulneratum significat. Namque ex humilitate vulnerum cognoscitur majestas gloriæ, & posteriora, non facies, quia per fidem, & non per speciem. Itaque ex uno diversorio seculo passu in aliud transitur, quique habitat in vulneribus, habitat pariter iu cœlo.

2. Quis non miretur, quod in cœlo
habitet devotus civis vulnerum ; Nam-
que conversatio conformanda est statui;
& verò virtus vulnerum apta est aman-
tem suum efferre supra statum huma-
num , Angelisque imò & Deo assimi-
lare. Suum meditatem alienat , &
non solum facit Angelicum , sed divi-
num. Vive itaque felix in vulneribus

3. Legimus Simeonem Stilitam im-
mersum in vulnera Christi pene homi-
nem exuisse ; excesserat humanas vires,
quando immoto corpore & animo suis
pedibus totos dies , & noctes , & annos
inter frigora & æstus stetit. Nec con-
versatio à statione degener erat ; Nam
ut in ejus vita legitur , continuè cælum
spectabat.

CONSIDERATIO XII.

Quod Vulnera Christi animam satiant.

In vulneribus Christi reperit anima ,
quid-

quidquid in suum auxilium & confortationem desiderare potest. Verè enim cum sancto Ambrosio dicere possumus: *Omnia habemus cum Christo, & Christus est nobis omnia*, in vulneribus suis. *Si febribus æstuas, fons est: si gravaris iniquitate, justitia est: si indiges auxiliō, virtus est: si mortem times, vita est: si tenebras fugis, lux est: si cibum quæris, alimentum est.*

2. Causa & principium omnis nostri boni est divinitas, & spiritus vivificus & deificus Christi: verùm hic spiritus non influit nisi in proprium corpus, & propria vulnera. *Anima non vivificat, nisi proprium corpus*; ait Augustinus, *& corpus meum non vivit de spiritu tuo, nec corpus tuum de spiritu meo. Vis ergo & tu vivere de spiritu Christi? esto in corpore Christi. Habitâ tam cogitatione quam affectu in sanctissimis vulneribus, & particeps fies divinorum effectuum, & Christus in suis vulneribus erit tibi omnia.*

3. Christus factus est nobis sapientia, justitia, sanctificatio, redemptio; per vulnera, inquit Apostolus, idque & per modum meriti ob gratiam capitalem; & per modum exempli, cum sint nostræ ideæ, & per modum finis, quia quod sumus & facimus, ordinandum est ad honorem & gloriam sanctissimum vulnerum.

CONSIDERATIO XIII.

De Affectu Admiracionis, quem Vulnera Christi causant.

Cum Prophetæ Abacuc revelatum fuisset mysterium vulnerum Christi (cornua in manibus ejus, id est, in cornibus crucis confixa sunt manus Christi) exclamavit, Timui, timore reverentiali, aut, ut alii legunt, Expavi, extra me factus sum præ stupore, & admiratione. Quod, si admiratio, est actus voluntatis consequens apprehensionem objecti exce-

excedentis nostrum intellectum; quot nominibus relucet in vulneribus Christi, siquidem superat nostram capacitatem hinc dignitas personæ, illinc vilitas supplicii: hinc acerbitas pœnæ, illinc magnitudo amoris & præmii infinitudo.

2. Sit autem hæc admiratio affectiva & transmutativa. Omnes mirabantur, sed non omnes convertebantur. Admirabantur opera Christi, sed non sequabantur exempla. Spectatores mirabilium Christi admirarentur, si imitarentur patientiam & charitatem Christi. Noli vivere sine vulnere, dum Christum vides vulneratum.

3. Hunc affectum admirationis exercebat SS. Virgo Maria, quando stabat juxta orucem contemplando benedicta vulnera Filii. Vacabat, inquit Cajetanus, contemplationi admirativæ, conferendo summa prius visa cum infimis, gloriam divinitatis Christi cum pœnae humanitatis.

CONSIDERATIO XIV.

*De Memoria Vulnerum Christi
in Sacrificio Missæ.*

Finis Sacrificii Missæ est applicatio
meritorum Vulnerum Christi. Quan-
tum enim meruit Christus in sacrificio
cruento crucis, tantum applicatur &
imperatur in sacrificio incruento Missæ.
Hic affectus universalis est, atque ad
omnes diffunditur. Peccatoribus im-
petratur remissio culpæ, & pœnæ: justis
augmentum gratiæ, animabus purga-
torii gloria essentialis, Sanctis in cœlo
gloria accidentalis, Sanctissimæ Trinitati
manifestatio sanctissimi ejus nominis.

I.
Intuere tempore Missæ Christum
crucifixum cum vulneribus, ex quibus
copiosus undique sanguis profluit ad
sanctificandum omnem mundum. San-
guis vulneris, quod in sinistro pede,
manat in salutem peccatorum; qui
dextri est pedis, in refrigerium anima-
rum

rum purgatorii. Qui à dextra manu profluit, pro summo Pontifice; qui à sinistra, pro Imperatore, & statu temporali; sanguis lateris fluit honori & gloriæ sanctissimæ Trinitatis, & totius cœlestis curiæ.

3. Sacerdos, ceu mediator inter Deum & populum, in Missa fungitur officio Legati missi à populo ad impetrandum à Deo per merita sanctissimorum vulnerum gratiam, sanctitatem, & gloriam. Has tres voces (gratiam, sanctitatem, gloriam) inscribe Domine in memoriali tuo propter vulnera Christi: Gratiam pro peccatoribus, sanctitatem pro justis, gloriam essentialem pro animabus purgatorii, accidentalem & extrinsecam pro SS. Trinitate, & Beatis cœli. Nec abs re faciemus, anima mea, si recurrerimus ad intercessionem sanctissimæ Matris, dicendo: Sancta Mater istud agas, crucifixi fige plagas toti Mundo valide. Eadem oratione uti possunt, qui sacro intersunt.

CONSIDERATIO XV.

De Corde, quod Vulneribus Christi sauciatum est.

Cum veritate dici potest, quod cor Christi vulneribus saucium beatum sit. Sunt enim vulnera Christi signa nostræ prædestinationis, pignora nostræ gloriæ, arrha beatitudinis.

2. Hoc amoris vulnus, quod cor nostrum saucium est, efficitur à memoria continua vulnerum, & ab actibus fidei, spei, & charitatis ad illa. Credo in vos vulnera benedicta, ceu in redemptionem, & pretium nostræ salutis. Credo in vos, ceu in capitalem summam nostrorum meritorum, & amo vos ceu Testimonia evidentissima Charitatis Christi.

3. O Vulnera, quæ corda saxeæ vulneratis, & mentes congelatas inflammati; quæ pectora adamantina liquefacitis præ amore. Vita, dulcedo, & spes

*Spes nostra. Venite, ferite, vulnerate;
feriendo redintegrate, & mortem affe-
rendo donate vitam æternam.*

CONSIDERATIO XVI. *De Imitatione vulnerum Christi.*

I.
Imitatio Christi crucifixi, & virtutum
ejus necessaria est animæ in actu: Passi-
onis verò, & vulnerum corporis in præ-
paratione animi. Quia, ut docet S.
Thomas, filius adoptivus assimilari de-
bet quam maximè filio naturali, &
membra capiti. Nec passio Christi,
ceu causa universalis effectum sortitur,
absque cooperatione hominis, ut causæ
particularis.

2. Ideò exhortatur nos S. Petrus:
Charissimi, nolite peregrinari in fervore;
aut, ut alii legunt, *nolite mirari in
ustione.* Cùm in schola Christi neces-
saria sit passio; nolite mirari, quando
velut ab igne, mortificatione adurimini.

Sed Christo in cruce passo eadem cogitatione, & imitatione armemini.

3. Arca, in qua conservatur gratia, duabus clavibus diversis custoditur, neque una absque altera aperiri potest. Hæ sunt Crux nostra, & Christi: vulnera Christi, & nostra. Clavis Passio-
nis Christi semper parata est, sed necesse est ei nostram uniri, quod est cooperari & compati.

CONSIDERATIO XVII.

De Fine Considerationis Vuln- rum Christi.

Secundum S. Bonaventuram considerari debent vulnera Christi ad imitandum, & compatiendum. Hæc sit nostra consolatio, subdit idem, progressus in hac imitatione, ex qua nascitur condolentia, sentiens dolores personæ amatæ, & per imitationem expressæ, ceu proprios.

2. Me-

29

2. Meditanda sunt ad admirandum,
& exultandum. Admiranda immensa
charitas Dei : exultandum de fructibus
vulnerum, de redemptione generis hu-
mani, restauratione naturæ Angelicæ,
& gloria Dei.

3. Consideranda sunt ad resolvendum
& quiescendum ; se in Christum trans-
formando, & quiescendo in ejus san-
ctissimis, & dulcissimis Vulneribus,
absque ulla alia solitudine.

CONSIDERATIO XVIII.

De Occupatione in Vulneribus Christi.

Necesse est, ut docet S. Bonaventura,
animam interiore aliquo exercitio disti-
neri, quô diem fallat, & sepositis aliis
negotium suum agat ; quod, ut docet
Apostolus, est nostræ salutis, & perfe-
ctionis negotium. Hæc autem interna
occupatio consistit in devota confide-

ratione , & meditatione Vulnerum Christi , cursando de vulnere in vulnus variis considerationibus & affectibus , quos Spiritus sanctus suggesserit. Nunc meditando dolorem , aliás amorem , valorem aliás. Insuper in vulnere pedis sinistri considera tua peccata , eorumque veniam per illud precare. In vulnere pedis dextri considera pulchritudinem virtutum humilitatis , puritatis , obedientiae , patientiae , & perseverantiae . Easdem à Deo interposito dicti vulneris pretio precare. In vulnere manus sinistrae meditare pœnas inferni , pending ab eis liberationem. In vulnere manus dextræ contemplare gloriam Paradisi , illamque postula. Ad extremum in vulnere lateris meditabere , & petes sanctum , & purum amorem Iesu , Mariæ , & proximi.

2. Occupari potes in devotione erga Beatissimam Virginem , considerando eam juxta crucem cum Filio , & quos DEUS conjungit , homo non separet.
Est

Est Christus carne pendens ; Maria corde. Christus habet vulnera corporis , Maria animæ . Christus est Martyr Fidei , quia mortuus pro veritate nostræ fidei ; Maria Martyramoris , quia mortua amore , & desiderio Filii . Iesus & Maria sint semper tecum in via , in omni loco , & in omni tempore bona custodia , Amen . In omni loco , præcipue in cruce , sanctissimo Sacramento , in cœlo . In omni tempore , maximè autem cum anima est libera ab aliis occupationibus . His adjunge praxim jaculatoriarum , neque hanc neglige , quâ magnus Dei servus est usus . Iesus , Maria amores mei dulcissimi ; patiar ego , moriar ego amore vestri ; totus sum vester , & nullò modò meus .

3. Hæc in Christi vulneribus , & doloribus . B. Virginis ibidem commorantis occupatio habet Echo , & resonantiam à gloria cœli : Secundum multitudinem , aut secundum mensuram dolorum lœtificant consolationes . Præ-

terea in consideratione humilitatis crucis erigere ad considerationem gloriae. Videmus Iesum propter passionem mortis gloriam, & honore coronatum. Et vide-
mus Mariam juxta nominis etymolo-
giā crucifixam, & exaltatam in glo-
ria super choros Angelorum ad cœlestia
regna in dextra Filii.

CONSIDERATIO XIX.

*Qualiter S. Mater meditabatur
Vulnera Christi.*

Multorum opinio est, quod sicut Christus in sua Sanctissima Passione, habuit simul summum gaudium, & summum dolorem; ita sanctissima Virgo in condolendo patienti Filio senserit simul summam compassionem, & summam congratulationem. Compatiebatur passioni Filii; & de ejus fructu lætabatur. Ad quod alludens S. Ambrosius dicebat; *Maria stetit juxta*

cru-

*crucem, non ut Filii passionem videret,
sed ut Mundi redemptionem expectaret.*

2. Aliâ mente sunt alii Doctores, arbitrantur enim animam sanctissimæ Virginis taliter immersam fuisse in vehementiam dolorum Filii, ut ad fructus Passionis nec attendere quidem potuerit.

3. Imitabere utrumque Virginis statum, nunc tuus dolor erit pura condolentia, modò socium assumet gaudium, & congratulationem. Revelavit benedicta Mater S. Brigittæ, omnem suam vitam mixtam fuisse doloribus, & consolationibus. Doloribus propter vulnera Filii: consolationibus, quod nôsset eam esse Dei voluntatem, cederéque in salutem hominum. Quando considerabam loca clavorum in manibus, quas secundùm Prophetas crucifigendas audivi: tunc oculi mei replebantur lachrymis, & cor meum quasi scindebatur præ tristitia. Sed consolabar cum considerabam potentiam Deitatis ejus,

eius, & quod ipsa sic vellet & sic expeditret: & sic erat semper letitia mea mixta cum dolore.

CONSIDERATIO XX.

*Quod per vulnus lateris intratur
in Cor Christi.*

Porta, per quam intratur in amantissimum Cor Iesu, est latus lanceâ aperatum. Nonnulli dicunt vulnus fuisse inflictum sinistro lateri, in quo Cor residet; eodemque vulnere & latus, & cor fuisse sauciatum. Vulgatior tamen sententia est, fuisse in dextro, idque ipsum indicat sacra sindon, & pictura: fuit nihilominus tam profundum hoc in latere dextro vulnus, ut ad cor pertigerit, viamque sibi ad illud pateferit.

2. Verum, hoc cordis Christi domicilium non petit alium incolam, quam tuum cor, Fili, præbe mihi cor tuum,
ut

ut illud in meo collocem; O felix
 unio, jucunda possessio, felicissima in
 corde Christi commoratio! Verè cor
 nostrum semper famelicum, & inqui-
 tum nullo alio saturari, in nullo conqui-
 escere potest, præterquam in corde
 Christi, ceu centro suo. Sit inter
 utrumque cor proportio, & similitudo;
 ceu inter locum, & locatum. Cor
 Christi, ut S. Bernardus ait, fuit bis
 sauciatum; primò amore, dein dolore;
 primò spiritualiter, dein corporaliter;
 primò oculis sponsæ, dein ferrō lanceæ.
 Quam ob causam bis replicat vocem,
Vulnerasti, cùm dicit: *Vulnerasti cor*
meum, soror mea sponsa: vulnerasti cor
meum. Ac si apertè diceret: *Quia zelô*
amoris tui vulnerasti me, lanceâ quoque
militis vulneratus sum: & vulneratur
lanceâ furoris, qui prius vulneratus
fuit lanceâ amoris.

Simili modo, ut cor tuum sit dignum
 corde Christi, duplici vulnere hie,
 amoris & doloris. Prius autem quām
 reci-

recipias vulnus à ferro, fateare te vulneratum amoris telo. Vulnerata charitate ego sum.

3. Hæc est causa, inquit S. Bernardus, ob quam Martyres erant in tormentis veluti insensibiles; neque enim amplius vivebant, sed erant amore mortui. Terrentur Martyres, rident: feriuntur, & gaudent; occiduntur, & ecce triumphant. Quare? quia morte charitatis emortui nec minas, nec mortem sentire potuerunt. O felix mors amoris, quæ te insensibilem in tormentis, & tyrannis insuperabilem facit. O bona mors, prosequitur Bernardus, vitam conferens; bona mors, mortem contemnens.

Ad hanc mortem aspira anima mea, petendo illam à Domino quām efficacissimè. Quin, ut mortua, te sepeli in nobili illo splendore cordis Christi. Prius tamen lavare in sanguine & aqua, quæ fluunt ex latere, & cum S. Bernardo precare; Lava me Domine ab ini-

iniquitate mea, & à peccato meo munda
me; ut purificatus per te, ad te purissi-
mum possim accredere, & in corde tuo
omnibus diebus vitæ meæ merear habi-
tare. O quam bonum! O quam jucun-
dum habitare in Corde Iesu! bonus the-
saurus; bona margarita, quam fossò
agrò Corporis Iesu inveniemus.

CONSIDERATIO XXI.

De Conditionibus Sanguinis ex Vulneribus Christi manantis.

Vidit Ioannes fluvium, qui irrigabat,
& fœcundabat civitatem Dei. Ostendit
mibi fluvium aquæ vivæ, quæ habe-
bat tres conditiones. Prima, quod
esset aqua mundissima, & purissima,
ceu crystallus. Splendidum tanquam
crystallum. Secunda, quod exibat e
sede Dei, & Agni. Procedentem e sede
Dei, & Agni. Tertia, quod ab ultra-
que parte fluminis visebatur lignum
vitæ.

vitez. Et ex utraque parte fluminis lignum
 vitæ. Per hunc fluvium alii intelligunt
 Spiritum sanctum, qui à Patre, Filió-
 que procedit: alii gratiam spiritus san-
 eti, alii gloriam. Nos alii mysticis
 sensibus omisis, per aquas hujus flu-
 minis intelligemus sanguinem è vulne-
 ribus Christi fluentem, & universam
 Civitatem Dei fæcundantem. Ab hoc
 enim sanguine originem ducit, quid-
 quid est in Paradiſo pulchrum, vernans.
 In illo reperiuntur tres explicatæ con-
 ditiones. I. Est purissimus, quia & est
 compositus ex sanguine purissimo Vir-
 гинis, & est unitus personæ Verbi, qui
 est ipsa per essentiam puritas. Ipsa de-
 niique innocentia Christi nec volentis,
 nec valentis contrahere maculam, quid
 nisi puritatem sanguinis hujus docet?
 Secundò hic sanguis non procedit à
 puro homine, sed ab homine Deo, Dei
 & Agni. Tertiò circumdatur ligno
 vitez, fructus enim sanguinis est gloria,
 & vita æterna,

2. Considera, ubinam sit vera beatitudo hujus vitæ. Beati, subdit Iohannes, qui lavant stolas, & animas suas in sanguine Agni. quod fit consideratione affectus plenâ, & meditatione vulnerum & sanguinis Christi, ut sit potestas eorum in ligno vitæ. In virtute enim illius sanguinis fruentur ligno vitæ beatæ, & æternæ. Et per portas, quæ sunt ipsa vulnera, intrent in Civitatem beatæ patriæ.

3. Apparuit in visione juveni cuidam elegans civitas supra montem posita, sed vallata & custodita magno flumine. Hinc alliciebat amoenitas loci, illuc absterrebat fluvius pertransiendus. Num circumspicit dubius, ecce videt quosdam homines in eodem flumine lavantes vestimenta, quos quidam vulnus & habitu dissimilis adjuvabat. Rogavit qui essent, quidve agerent; ad quem ille dissimilis: Civitas illa Cœlum est. Hi lavant stolas suas in sanguine Agni, ut purgati, & per pœnitentiam mundi effecti

effetti digni sint, qui in Civitatem sanctam admittantur. Ego sum Iesus Christus, sine cuius auxilio nemo salvare potest. Si vis ad illum locum pervenire, hæc est via. His dictis evanuit visio, juvenis verò Monasterium adiit, factusque Religiosus agnovit præsentes Religiosos eos esse, quos ad fluvium in visione viderat, lavantes stolas suas in sanguine Agni mediâ pœnitentiâ, & mortificatione.

CONSIDERATIO XXII.

De Sanguine sanctissimorum Vulnerum Christi.

I.
Sanguis Christi in scriptura sub symbolo, & figura mellis exprimitur. De petra melle saturavit eos, explicat S. Thomas, dulcissimo sanguine vulnerum Christi. Generat hæc hujus mellis dulcedo in anima contemptum rerum terrenarum, & desiderium cœlestium.

Ex-

Expertus id est ille , qui aliquando gustato sanguine vulnerum Christi tam ineffabilem sensit dulcedinem , ut omnium rerum creatarum gustum perdidet , & sola deinceps cœlestia ei arriserint.

2. Est sanguis Christi noster potus , nostrum pretium , noster Advocatus apud Patrem cœlestem . O sanguinem Christi summè honorandum ! in altari poculum , in Cruce pretium , in Cœlo pro nobis ad Deum Patrem advocatum .

3. Est medicina nostrorum vulnerum . Filius Dei jubetur occidi , ut vulneribus nostris pretiosi sui sanguinis bal- samo mederetur . Eodem aperit nobis portas Cœli . Quare S. Hieronymus eum vocat clavem Paradisi . Sanguis Christi clavis est Paradisi . Est certa contra hostes nostros victoria . Sanctus Edmundus , Episcopus Conturbiensis , dæmonem in virtute sanguinis Christi adegit , ad significandum sibi , quô po- tissimum modô superari posset . Adjuro

te per aspersionem sanguinis Christi, in quo facilius te vincere possum. Respondit dæmon, Deo sic ordinante. In eo, quod nominasti. Illius sanguinis virtute facile vincor.

CONSIDERATIO XXIII.

Quòd Vulnera Christi immutaverè clavos in claves Paradisi.

Clavis referans est clavus penetrans; ait Bernardus. Quilibet clavus Christi est referans, & penetrans. Referat, & penetrat. Et referat, quia penetret: neque unus effectus ab altero separatur. Est clavis, & clavus. Est clavis, quia tibi referat Cœlum: Est clavus, quia tibi carnem transfigit. Quòd si mortificationem clavi fugis, scito te consolationem clavis quoque perditurum.

2. Considera virtutem, & efficaciam sanguinis Christi. Ferrum, quod est instrumentum mortis, immersum in illum

illum divinum sanguinem efficitur
nuntius vitæ, & clavis Paradisi. Si
conspectus te ferri terret, consideratio
sanguinis restituat animum, & conso-
letur. Ingrediatur ferrum, sed cum
sanguine, & vulnus non mortis, sed
vitæ erit causa.

3. Quid cogitas? si in Christo non
fuit clavus tantum reserans, sed etiam
penetrans; oportuit enim pati Christum,
& ita intrare in gloriam suam; an
aliam in te legem sperabis, volésque
claves absque clavis? Hanc ergo, ut
veritatem certissimam, animo tuo in-
culpe. Clavus tribulationis cum pa-
tientia supportatæ est clavis Paradisi;
neque ulli clavis erit Paradisi, nisi sit
prius clavus tribulationis. Non est cla-
vis reserans, nisi prius sit clavus pene-
trans. Sustinuit S. Carolus à clavo in
processione sibi pedem transfigi, ut
tolerato clavo mereretur agnoscere
clavem. Arbitrare hæc tibi à clavo
tribulationis dici, Patientiam habe in
C me,

me, & omnia reddam tibi. Sustine,
& salvaberis. Sustine clavum, & ha-
bebis clavem.

CONSIDERATIO XXIV.

*De Lancea, quæ latus Christi
adaperuit.*

Usi sunt lanceâ milites aperiendo
latus Christi, ut intelligerent, an obiisset;
& si adhuc superesset, ut eo vulnere de-
sineret spirare. Infixa est lancea lateri
cum magno furore & rabie, sic ut per
altam partem corporis videretur lancea
pertransire: & pervenit usque ad cor-
dis ipsius transfixionem, ut daret quid-
quid resederat sanguinis in corde. Dedit
ergo Christus omnem sanguinem,
etiam modicam illam portionem, quæ
ad cor confugerat.

2. Miles vulnerans dicitur fuisse Lon-
ginus, qui tactu sanguinis Christi, cum
eisset altero oculo privatus, illuminatus
est

est extra, & intrà lumine fidei, &
Episcopus fuit, & Martyr. Lancea
benedicta, clavis cœli, quæ aperiendo
cor Christi, etiam cœlum nobis ape-
ruisti.

3. Transfixit lancea carnem, & cor
Christi, ossium tamen nullum fregit,
Os non comminuetis ex eo. Os Symbo-
lum est divinitatis, quæ in Passione fuit
impassibilis. Significabat insuper san-
ctos Martyres perduraturos in persecu-
tione absque confractione, animatos
exemplo Christi. Tertiò significat ipsas
Christi virtutes, quæ nunquam in tan-
tis doloribus defecere; non potentia,
non charitas in proximum, & sic de
reliquis.

CONSIDERATIO XXV.

Vulnera Christi Medicina cœ- lestis.

Filius Dei altissimi jubetur occidi,
C 2 in-

inquit Bernardus, ut vulneribus meis
id est peccatis, pretioso sui sanguinis bal-
samo mederetur. & subjungit. Agnosce
homo, quam gravia sunt vulnera, pro
quibus necesse est Dominum Christum
vulnerari.

2. Anima diversis in partibus, &
variis modis per peccatum vulnerata est;
Intellectus ignorantia, voluntas mali-
tia, appetitus concupiscibilis concipi-
scentia debilitate irascibilis. Vulnera
Christi ceu pharmaca cœlestia meden-
tur his omnibus plagis. Intellectum
sanant fide, voluntatem charitate, ap-
petitum concupiscibilem temperantia,
irascibilem continentia, & fortitudine.

3. Medicina utut amara amatur, &
in pretio est, quia sanitatem generat.
Et Christi Vulnera, quamvis nonnu-
quam affligant, estimanda tamen sunt,
& amanda quodam interminato amore,
quandoquidem sunt causa æternæ sa-
lutis, omnisque boni tum gratiæ tum
glorie.

CON-

CONSIDERATIO XXVI.

*Vulnera Christi facundi Ora-
tores.*

I.
Efficacissimum medium ad impe-
trandas à Deo Patre gratias , quibus
egemus, est petere per vulnera dilectissimi
eius Filii , quam veritatem nos do-
cuit Christus Ioan. 6. c. *Si quid petieris
a patrem in nomine meo , id est , pro-
pter me , & propter vulnera mea , dabit
vobis.*

2. Neque solum per viam misericor-
diae impetrant, sed etiam per viam iusti-
tiae ; & quod nobis est gratia , est san-
guini Christi debitum & iustitia.

3. Hoc medium orandi per vulnera
Christi erat D. Francisco Xaverio fami-
liare , qui ideatidem hanc orabat colle-
ctam. *Domine Iesu Christe , Deus cordis
mei , per quinque illa vulnera , quæ tibi
in cruce nostri amor infixit , tuus famulis
subveni , quos preioso sanguine redemisti.*

C 3 CON-

CONSIDERATIO XXVII.

Vulnera Christi Testimonium perpetui Amoris.

Vulneribus Christi per mortem
ereptus est labor, sed non amor. Amor
ea adaperuit, & amor ea ante Patrem
nostrum causa aperta servat. *Charitate
perpetua dilexite.* Perpetua, quia ab
æterno cœpit nos amare, & amabit in
æternum.

2. Expende, quō affectu amoris
Christus in cruce inter summos suorum
vulnerum dolores tui recordatus sit,
rogans pro te Patrem. Eodem affectu
nunc in cœlo idem pro te officium exer-
cit. *Iesus Christus heri & hodie ipse
& in sæcula.* Idem est in amore in
tempore, & in æternitate.

3. Revelavit Christus D. N. sanctæ
Mechtildi, quod eodem affectu, quō
se in sacrificium pro nobis in ara crucis
obtulit, etiam nunc ad dexteram Patris
stans,

stant, offerat. Sicut hostiam in aracru-
cis me aliquando obtuli, sic abhuc eodem
amoris affectu assisto Christo Deo Patri
pro peccatoribus. O pia vulnera mei
Domini, pro nobis & in nostram salu-
tem semper aperta. Quid retribuam
Domino? Amori perenni perennè re-
pondeat tributum mei cordis.

CONSIDERATIO XXVIII.

Vulnera Christi Thesaurus Ec- clesiae.

Thesaurus S. Ecclesiae sunt vulnera
Christi, in ipsis enim conservantur in-
estimabilia merita Salvatoris, propter
quæ nobis tribuuntur omnia dona su-
pernaturalia gratiæ & gloriæ. Et per
effusionem sui sanguinis Christum infi-
nitum Ecclesiae militanti thesaurum
acquisivisse, asserit Leo X in quadam
Bulla. O thesaurum infinitum, the-
saurum incomparabilem, thesaurum

nunquam exhauriendum! Una sola gutta ipsius pretiosi sanguinis propter unionem hypostaticam ad Verbum sufficientissima est ad redimendos mille Mundos.

2. Non reperiet unquam nostra paupertas aliud remedium, quam uti divitiis thesauri Christi. *Quidquid ex me mihi deest, inquit Augustinus, usurpo mihi ex visceribus Domini mei, quoniam misericordia affluunt, nec desunt foramina, per quae effluent.* Per hos canales sanctissimorum foraminum deplunt ad nos omnes gratiae, omnes misericordiae, & omnes consolationes cœli. Vernant semper in divina præsentia, & in Dei acceptatione immensa & infinita merita illorum vulnerum, & propter illa nobis Dominus noster communicat gratiam, nosque liberat à peccatis purgatorii, quas propter peccata nostra meruius. Verumtamen omnia dona Dei sunt effectus & justitiae, & misericordiae simul, Justitiae intuitu vulnerum

rum Christi, misericordiae intuitu nostrorum meritorum.

3. Insuper in hoc thesauro vulnerum considera supereffuentem mensuram satisfactionis SS. Virginis, & omnium Sanctorum, qui in propriis martyriis excesserunt promerita suorum delictorum. Ad ithesauri cumulum (itâ in extravaganti, unigenitus, definitur) adminiculum etiam præstare merita B. Virginis & aliorum Sanctorum. Quod ipsum redundat in majorem gloriam vulnerum Christi. Non enim solum pro nobis satisfecerunt, sed etiam communicarunt potestatem & virtutem, si non merendi, certè satisfaciendi pro aliis.

Ex his, quæ dicta, excitatus inter exercendum virtutes, cùm tentationes inimici superas, cùm gratiâ divinâ adimpleris, cùm sanctis inspirationibus supereffluis; agnosce divinorum vulnerum efficaciam, ab illis enim hæc omnia profluunt. Virtus illius pretiosi sanguinis in te operatur. Quare

C s justum

justum est te in quovis loco , & in omni
opere eorum memorem esse, agendo
gratias & benedicendo in æternum.
Matri quoque sanctissimæ age gratias,
quia dum communicat dolori sancto-
rum vulnerum , neque ob inexplicabi-
lem suam puritatem eget illorum lava-
cro , tibi impertit ejus effectum , qui est
ablutio tuorum peccatorum. Eande
ab aliis sanctis gratiam expecta, qui ad-
impleverunt , quod deerat in Passione
Christi in carne sua pro corpore ejus ,
quod est Ecclesia.

CONSIDERATIO XXIX.

Vulnera Christi Signaculum cor- dis.

I.

Apprimi debent divina vulnera cordi
nostro , ut sigilla ceræ . Atque ut sigilla
duram ceram fugiunt , querunt mol-
lem ; ita nisi cor nostrum à calore di-
vini amoris mollescatum fuerit , non
re-

recipiet in se cœlestem impressionem
divinorum vulnerum.

2. Cum Christus D. N. servum suum
Franciscum impressione suorum stigma-
tum in manibus, pedibus, & latere de-
coravit, apparuit in effigie crucifixi à
Seraphino circumcincti. *Seraphim cru-*
cifixus apparuit. Hâc nos imagine
erudiens, quòd Seraphicus amor nos
disponat ad participandum beneficia
Crucifixi. Et ille vulgo habitus Fran-
ciscus, quia incendio amoris divini in
Seraphinum immutatus fuerat, factus
est dignus, qui per communicationem
sacrorum vulnerum esset alter cruci-
fixus.

3. Merito itaque indivisibiliter uni-
untur Seraphim, & crucifixus. Neque
enim unquam donaberis divinâ conso-
latione, nisi crucem & mortificationem
Christi amplexeris.

CONSIDERATIO XXX.

Vulnera Christi Rete divini Amoris.

En ipse stat post parietem nostrum, respiciens per fenestras, prospiciens per cancellos. Stat Christus post parietem, quia intermedio corpore occulit suam divitatem. Et respicit per fenestras, quia per vulnera prospicit nostras ærumnas, eisque medetur. Benedicta vulnera, quæ, dum se inter nostra peccata, & divinam justitiam interponunt, mutant sententiam mortis in vitam.

2. Respicit per fenestras, aut ut alii legunt, per Retia. O Retia Divini amoris, quæ attrahitis, & votis illigatis cor Dei; ut ad nos attrahatis, vobisque illigetis animas nostras. Cum aperta, & extensa fuistis in cruce, homines revertebantur percutientes pectora sua. Iisdem Apostoli facti sunt Piscatores hominum.

3. Respicit per retia, apparet per retia, eminet super retia. Se per vulnera visendum exhibet, quia patent viscera; & eminet super retia, quia qui potuit gutta, voluit unda, & quod satis fuit ad meritum, non satis fuit ad amorem.

CONSIDERATIO XXXI.

Vulnera Christi Arma mystica.

David bellaturus adversus Goliam, delegit quinque limpidissimos lapides de torrente, & misit eos in peram pastoralem, quam babebat secum; & cum appropinquasset Philisthæo, misit manum suam in peram, tulitque unum lapidem, & funda jecit, & circumducens percussit Philisthæum in fronte. Cumque prævaluisset, nec gladium haberet in manu, arrepto Philisthæi gladio præcidit caput ejus. Hi quinque lapides significant quinque Christi vulnera, quæ primùm in pera memorie

sunt accuratissimè servanda, Dein funda
intellectùs attentè , & pensiculatè ex-
pendenda (& circumducens) circum-
ducendo ea in cœlum , in terras , in in-
fernū, ubiunque ejus effectus depre-
hendi possunt. Tertiò in temptationibus
opponenda sunt inimicis nostris, certam
enim victoriam nobis adferent.

2. Primis quatuor lapillis inscripta
erant nomina quatuor Patriarcharum ,
Abrahæ, Isaaci, Iacobi, & Moysis.
Quintus, quō corruit gigas, insignis
erat nomine Iosue, figurâ & Symbolô
sanctissimi nominis Iesu ; ad indican-
dum , quod non virtus legis scriptæ, sed
gratia Evangelii per merita Christi , &
ejus vulnerum devictus , & eliminatus
sit dæmon.

Quinque lapides elegit David , uno
obtinuit victoriam , adjuvante funda &
manu. Nec vulnera Christi adjutura
credamus , nisi cooperemur manibus
nostris.

3. Re-

3. Revertenti Davidi cum victoria,
 & triumpho in occursum venerunt mu-
 lieres de urbibus Israël cantantes , cho-
 rōsque ducentes in Tympanis lētitiae , &
 in Sistris . Anima quoque , cum ab
 hac vita abierit onusta spoliis & trophæ-
 is , habebit cœli cives , paradisi incolas
 obvios , cantantes in Citharis ejus he-
 roica facinora .

CONSIDERATIO XXXII.

Vulnera Christi facundæ Linguae.

I.

Quot vulneribus , tot linguis loqui-
 tur Salvator noster .

1. Loquitur , & decantat Patri suo
 laudes , quia illis non quæsivit gloriam
 suam ; sed ejus , qui misit eum , Patris .

2. Loquitur victorias , quia sunt
 victorie suæ triumphus .

3. Loquitur im petrando nobis salu-
 tem , quia per ea salutis humanæ exigit
 pretium .

4. Lo-

4. Loquitur ad nostram exhortationem , & doctrinam nos ad patientiam exemplō suō animando. Confidite , ego vici mundum per hæc vulnera. Vos quoque , si mei causa sustinueritis dura , vincetis.

5. Loquitur his linguis in confusione malorum in die Iudicii , Ecce hominem , quem crucifixisti : videte vulnera , quæ inflixisti : agnoscite latus , quod pupugisti. Quoniam per vos , & propter vos apertum est , nec tamen intrare voluisti.

CONSIDERATIO XXXIII.

Vulnera Christi Peccatorum Spongia.

I.

Sententia nostræ mortis firmata divino decreto , & pœna æterna non alter deleri potuit , quam Vulneribus Christi . Clavi illi , qui ejus carnem transfixerunt , discerpserunt chirographum

phum damnationis, & ille sanguis, qui ab illis vulneribus promanavit, extinxit characteres mortis. Delevit, quod aduersus nos erat, Chirographum decreti affigens illud cruci, & in carne sua per clavos convellens.

2. Hoc innuebat Propheta, cum dicebat, *vulneratus est propter iniquitates nostras*, ut scilicet discerperetur codicillus, in quo iniquitates, & peccata nostra descripta erant.

3. Neque sola peccata nostra, sed etiam homo vetus, qui est noster fo-
mes, & nostra concupiscentia cum Christo in crucem venerunt. *Vetus homo noster simul crucifixus est* (scilicet cum Christo) destruendo peccatum, & frænando ac dirigendo concupiscentiam nostram.

CON-

CONSIDERATIO XXXIV.

*Vulnera Christi Schola Spiritus
sancti.*

Summa, & Epitome Doctrinæ Christianæ comprehenditur in hac à Christo prolatâ sententia ; *Qui amat animam suam, perdet eam ; & qui odit animam suam in hoc mundo, in vitam æternam custodit eam.* Doctrina quām vera, tam difficilis carni & sensui , neque absque lumine, & Magistro divino intelligi potest.

2. Magister , qui non solùm speculativè , sed etiam practicè hanc veritatem docet , est Spiritus sanctus ; schola , vulnera Christi. Iстic anima illuminatur , & cognoscit , quomodo amor sui sit sui odium , & odium amor , quodque amans vitam in hoc mundo eam perdet in altero , at verò persequens , & odio habens in hac vita , eam adinveniet in altera . Contemplare praxin hujus doctri-

doctrinæ in Christo, qui dum odit in
vita præsenti, resuscitat ad æternam.

3. Ante Spiritus sancti adveutum timi-
mebant Apostoli mortem, & tyranno-
rum aspectum fugitabant. At ubi
divinus Magister advenit, & docuit
mysterium crucis, & vulnerum Christi,
finem, utilitatem, & præmia passionis,
martyrii, & mortis pro Christo: sponte
se martyriis ingesserunt & vulneribus.
Iabant gaudentes ad catastas & cruces.

Sanctus noster Franciscus Xaverius,
multum in hac schola vulnerum Christi
eruditus, in omnibus suis adversitatibus
& ærumnis hâc se sententiâ solaba-
tur: *Qui amat animam suam, perdet eam.* Huic se conformabat, huic ob-
temperabat, ut ipse nostris Goënsibus
referebat,

CONSIDERATIO XXXV.

Vulnera Christi Mors Peccati.

Una vulnerum Christi memoria
tan-

tantarum est virium, ut quemadmodum
à luce tenebræ, à vita mors; sic ab ea
pellatur & destruatur omne peccatum,
de peccato *damnavit peccatum*, inquit
Apostolus. Christus suis vulneribus,
hoc est, sacrificio pro peccato oblato
damnavit, & destruxit peccatum. Et
Sanctus Bernardus, *Tanta est virtus*
vulnerum Christi, ut ad eorum memo-
riam totius peccati, & mortis *fugetur*
exercitus.

2. Memoria vulnerum non solum
destruit peccatum, sed etiam mortificat
pravas inclinationes, & concupiscentiam
peccati. *Ubi mors Christi inquit*
Gregor. *animo circumfertur, nulla po-*
test concupiscentia regnare peccati.

3. Eadem memoria fugat, & vincit
dæmonem. Mariam Magdalenam in
deserto vehementer à dæmonibus op-
pugnatam, appatens Angelus munivit
cruce Domini. Visabantur in ea quin-
que vulnera, & mysteria Passionis.
Erexit autem eam ad Ostium speluncæ:

ex

ex quo tempore immunis fuit ab insul-
tibus Magdalena.

CONSIDERATIO XXXVI.

Vulnera Christi Opus nostræ Redemptionis.

Omnes Christi actiones sunt opera
nostræ Redemptionis. Cum enim &
omnes collectum , & quælibet singilla-
tim sint valoris infiniti propter digni-
tatem divinitatis ; possunt esse , & sunt
causa nostræ salutis. Nihilominus
vulnera Christi singulare quid in se con-
tinent , propter quod dicuntur , & sunt
opus nostræ salutis. Addunt enim
ultimum complementum antecedenti-
bus totius vitæ meritis. *Quod potuit*
gutta , voluit unda , inquit Bernardus.
Poterat una sanguinis gutta , imò uno
passu , aut oculi gyratu nos redimere :
attamen ad ostendendum thesauros suæ
bonitatis , quidquid fecit , & passus est
toto.

toto vitæ tempore , id omne ad cumulum completeræ , & adæquatæ nostræ Redemptionis adjecit , Oportuit pati Christum , & ita intrare in gloriam suam . Er factus obediens usque ad mortem crucis . Et per Passionem consummavit omnia . Hanc etiam ob causam non ante accepta in cruce vulnera , clamavit , consummatum est quasi diceret , ex hac hora depositum est omne capitale meorum meritorum pro salute hominis : effusum est pretiū necessarium in Redemptionem animarum , juxta ordinationem & voluntatem mei æterni Patris .

2. Opus nostræ Redemptionis secundò singulariter Christo attribuitur ex genere operis , ut S. Thomas docet , quia justum est , ut qui vitam suam alterius causâ perdit , illam pro sua adipiscatur .

3. Vulnera Christi sanctissima , quibus redemptio animarum debetur , vobis hanc animam , ut pote mancipium per vos

vos redemptum, offero; vobis meum
cor, substantiam, & opera omnia sacro,
& quemadmodum à vobis, & per vos
vivo; ita impetrare mihi, ut per vos, &
ad gloriam vestram operer.

CONSIDERATIO XXXVII.

Vulnera Christi Victoria de no- stris inimicis.

Efficacissimum contra omnes tenta-
tiones remedium est memoria vulnerum
Christi; *In omnibus adversitatibus*,
inquit Augustinus, *non invenit tam ef-*
ficax remedium, quam vulnera Christi.
In illis dormio securus, & requiesco in-
trepidus. Iste tanquam in turri fortis-
sima, & securissima tutissimum anima-
refugium adversus omnes inimici insul-
tus inveniet. Vincit anima, ait idem,
intrando in turrim humanitatis Christi
per sanctissima vulnera, velut totidem
portas. Ingreditur autem recordando

Chri-

Christum, & cogitando, quando patitur, quia prior ille passus est, & ad hunc finem ut moreretur, & resurgeret. Et talem tu finem spera, qualis in illo præcessit. Et sic securus in hac turri habebabis, ut nunquam te ad illam turrim diabolica jacula secutura sint, ubi stabis munitus & fixus. In praxi itaque, cum te tentatum aut afflictum senseris, mox ad Christi vulnera recurre, cogitando quomodo Christus passus sit prior te, plus te, & pure propter te; propter tua scilicet peccata, & non sua, & dices cum sancto latrone: Nos quidem justè nam digna factis recipimus: hic verò nibil mali fecit.

2. Usque adeo efficax est hæc memoria vulnerum Christi, ut non solum nos victores pro Christo, sed etiam cum Christo faciat. Expolians, inquit Apostolus, Principatus & potestates, triumphavit in seipso. S. Thomas cum aliis legit, Exuens se carne, id est mortalitate, exemplavit in seipso, Siquidem ipsius.

ipseius triumphus fuit nobis nostri exemplum. Et hoc est, triumphare exemplando. Triumphavit Christus, & occidit inimicos se ipsum morti tradendo: & illi ipsi clavi, inquit Leo Papa, qui transfixerunt manus & pedes Christi, transfixerunt Saranam. Clavi, qui manus Domini pedesque transfixerunt, perpetuis diabolum fixere vulneribus; sic suam Christo consummante victoriam, ut in ipso omnes, qui in eum credent, triumpharent. Ab hoc exemplo discemus superare nostros inimicos, quia instrumentum, quô nos dæmon subjugat, est caro nostra, & nostræ inordinateæ Passiones. Ideò has debellando, ille pariter debellatur. Ob id dicebat S. Augustinus, Ibi vincuntur invisibilis potestates, ubi vincuntur sensibiles cupiditates. Eodem tendebat consilium S. P. N. vince te ipsum, si tuos vis inimicos vincere.

3. In vulneribus Christi continentur antidota virtutum, vitiis & peccatis

D oppo-

opposita. In vulneribus Salvatoris, inquit Augustinus, est multitudo dubcedinis, plenitudo gratiae, & perfectio virtutum. Iste divinam Majestatem obsecra, ut suâ humilitate tuam superbiam vincat, & te vcrè humilem faciat; sua obedientia superet tuam inobedientiam, & vera te obedientia decoret; patientia sua extinguat tuam impatienciam, & te vera patientia honoret: charitate suâ abluat tuam iniquitatem, & verâ te charitate insigniat: Denique sua perseverantia elidat tuam inconstantiam, & coronet perseverantia, quam mors tumulo, aut verius cœlo inferat. Humilitas Christi ceu instrumentum divinitati coniunctum est causa universalis òmnis gratiae & perfectionis: ad hunc autem, vel illum effectum determinatur particulari conditione: Ita ut quæ humilis, sit tuæ humilitatis causa; quâ obediens, obedientiaz; quâ vulneratus & crucifixus, medio sanguine & stigmate, est causa remissionis tuorum peccatorum.

CON-

CONSIDERATIO XXXVIII.

*Vulnera Christi Incentivum
Martyrii.*

Citra sanguinem non licet ad Verbum accedere. Cruore respersum adamant oculi incarnati Numinis. Sanguis ejus postulat sanguinem, vulnera, cicatrices. *Est sponsus sanguinis*, non solum nos sanguine redemit, & sanguine subarrahavit; sed vult etiam nos sponsas sanguinis; neque cum alia in his sponsalibus depositulat nos ueste, quam cum ueste aspersa sanguine.

2. Sunt vulnera Christi veluti totidem ignitabula, quibus petra cordis nostri afficta accenditur in desideria martyrii. Benedicta vulnera, ferite brachio contento, & tam efficaciter cor meum, tantumque in me martyrii amorem succendite, ut abundantior mihi dolor sit caruisse martyrio; & absentiam carnis sacrificis suppleat torquendo desiderium.

3. His agebatur stimulis, & incendiis
Pauli pectus, cum dicebat, *Charitas
Christi urget nos.* Illa nimirum Cha-
ritas ostensa in vulneribus, quâ urge-
mur, ut si unus mortuus est pro nobis,
libenter commoriamur.

CONSIDERATIO XXXIX.

Vulnera Christi Confortatio Martyrum.

A*ccipit Martyr à vulneribus Christi
Exemplum, & adjutorium. Modicum
sine adminiculo proficeret exemplum.
Ab ipsis instruitur, ab ipsis provehitur.
S. Laur. Iustin. Dein subdit. Cujus
saxum pectus non emolliant vulnera
Salvatoris? & quis patirenuas patiente
Domino?*

2. Ad debellandas passiones nostras,
nihil opportunius passione Christi.
*Passio Passione vincitur, & cruciatus
cruciatibus superatur. Nam dolorem
servi dolor lenit Domini.*

3. Ex

3. Ex thesauro vulnerum Christi ditata martyris anima superat, & vincit promissa, & minas Tyrannorum. Impredabilem intus possidet thesaurum, Christum Dominum reconditum habet in pectore, propter quod insensibilis esse conspicitur exterius, & consideratio tam præcipue, tamque vehementissimæ charitatis vincetas suavificat passiones, & omne levificat tentationis pondus.

CONSIDERATIO XL.

Vulnera Christi Hospitium animæ.

O beatæ lanceæ, ac beati clavi, qui apertionem hujusmodi facere meruerunt. O si fuisset loco illius lanceæ, exire de Christi latere noluisse, sed dixisse: Hæc requies mea in sæculum sæculi, quoniam elegi eam. In video & clavis & lanceæ beatitudinem, quam consecuti sunt intrando in sacrarium carnis

Christi. Evidem me nemo illinc
eduxisset in sæculum sæculi.

2. Pro nimio amore aperuit sibi la-
tus, ut tibi tribuat cor suum; sibi etiam
voluit pedes, & manus perforari, ut
cum ad ipsum perveneris, sic tuæ manus
intrent in suas, ac pedes tui in suos; ut
sibi inseparabiliter conjungaris. Aperuit
latus, ut tibi cor suum donaret: aperuit
manus, & pedes, ut totus absque ulla
disjunctione illi adhæreres.

3. Obsecro secundum Apostolum, ani-
ma mea, omnia proba hæc coneris expe-
rii: & si bonum tibi videatur, inde
amplius non discedas: & non dubito,
quod si fueris experta, omnia præter
ipsum, & ejus vulnera, amaritudinem
reputabis.

CONSIDERATIO XLI.

Vulnera Christi Animæ nostræ Patria.

Vulnera Christi, ut vera nostra Pa-
tria,

I.

tria ; agnoscenda & diligenda sunt , námque in illis , & per illa recreati sumus Deo , & regenerati ad vitam gratiæ .

Benedictus Deus , & Pater Domini nostri Iesu Christi , qui secundum misericordiam suam magnam regeneravit nos in spem vivam . A vulneribus Filii concipitur spes , vulneribus lactamur .

2. Quisquis amat patriam , si se extra illam inveniat , vivit ut peregrinus , & cum animo repatriandi . Simili modo probosum est animæ extra vulnera Christi vivere ut civem . Peregrinata decet esse extra vulnera , & cum animo revertendi ad illa ; & ut in patria , in illis suavissimè , & jucundissimè diversandi .

3. Duas habet patrias verus Christianus , altera est vulnerum , in quo dignatur gratia ; altera cœli , in qua renascitur immortalis ad gloriam Utque in morte certus sis de futura cœli patria , fac in vita præsentि sis vulnerum civis .

CONSIDERATIO XLII.

Vulnera Christi omnium Sanctorum Gloria.

Sunt vulnera Christi gloria Sanctorum, quia gloria est effectus vulnerum, & suam ultimam perfectionem accipit à beata illorum visione. Cum à sole radii promicant, totus orbis gaudiō adimpletur. Radii divini luminis, qui à vulneribus prodeunt, illuminant, & gloriosam reddunt Civitatem Dei.

2. Sunt animæ sanctæ viva membra Christi, & Christi quidem sacris stigmatibus insigniti. Quare si beatæ sunt ex propria gloria; beatores sunt ex gloria capitis sui. Cingite benedicta vulnera, cingite caput nostrum gloriam, eadēmque sit membrorum corona.

3. Gloria Sanctorum vulnera Christi, quia unum Sanctorum munus sine fine Alleluja, laudare & glorificare Deum in vulneribus Christi, & vulnera Christi in

in Deo. Benedicta vos a Deo, qui fecit cœlum & terram. Benedicatur, laudetur, & glorificetur in æternum.

CONSIDERATIO XLIII. Christus vulneratus Fundamen- tum Meritorum.

I.
Expōnde valorem gratiæ. Omnes vitæ præsentis ærumnae, labores omnes absque gratia nihil merentur, nihil adjumenti afferunt ad vitam æternam. Non sunt condignæ passiones hujus temporis ad futuram gloriam, quæ revelabitur in nobis. Et addit S. Bernardus: Non sunt condignæ ad præteritam culpam, quæ remittitur; ad præsentem consolationem gratiæ, quæ immittitur; ad futuram gloriam, quæ promittitur. Ex opposito quæcumque minima actio unita gratiæ meretur vitam æternam. Momentaneum hoc, & leve tribulatio- nis nostræ æternum gloriæ pondus opera- tur in nobis.

2. Hanc gratiam nobis per sua vulnera Christus promeruit. Dignus es Domine, aperire librum, & solvere signacula ejus, quoniam occisus es. Vulnera & mors fecerunt, ut dignus es, qui aperires librum gratiae, & solveres vincula, quibus tenebatur. Duobus modis à vulneribus Christi meritum capiunt opera nostra. Primum merendo & applicando nobis gratiam. Secundò communicando nobis immediatè sua merita infinita. Quibus si nostra uniancur, non solum merentur de justitia, sed de omni rigore justitiae. Et Pater æternus, cùm nobis præmium persolvit, non solum respicit nostra merita, sed etiam Filii, & illa ut his unita. Amor quoque Dei in nos tendit, non tantum ut filios adoptivos, sed etiam ut fratres Christi filii sui naturalis, cum quo (ut membra cum capite) idem corpus conficimus. Gratiæ vobis, ô sanctissima vulnera, siquidem per vos, vobiscum, & in vobis sunt omnes meæ divitiæ,

divitiae ; omnia mea gratiarum & gloriæ
merita. Dicamus cum Apostolo : Ex
ipso, & per ipsum, & in ipso sunt omnia ;
ipsi gloria in sæcula. Omnia gratiarum
bona sunt à Christo tripliciter. Primo
ex ipso per vulnera , quæ nobis gratiam
merentur. Secundo per ipsum per gra-
tiam , quam nobis meruit. Tertio in
ipso per ejus merita communicata , &
unita nostris. Ipsi gloria in sæcula. In
omnibus enim soli Christo laus , gloria ,
& honor debetur.

3. Procurando tibi merita propria.
Omnis tamen fiducia locanda in meritis
vulnerum Christi. Merita mea vul-
nera tua , Domine. Tua merita mea
sunt , in illis spero , in illis confido , in
illis ego ex me pauperrimus , ditissimus
sum. Quidquid ex me mihi deest , dice-
bat Augustinus , usurpo mihi ex vulne-
ribus Domini mei : quoniam misericor-
diæ afflunt , nec desunt foramina , per
quæ effluant. Copiosa redemptio data est
nobis , in vulneribus Iesu Christi Salva-

oris nostri; magna multitudo dulcedinis; plenitudo gratiae, & perfectio virtutum.

CONSIDERATIO XLIV.

Christus vulneratus Effugium in Judicio.

Vulnera in tremendo judicio erunt
ceu totidem linguæ fulminatrices. Sur-
get in illa hora Christus, & ostensis suis
vulneribus peccatores hisce vocibus
compellabit: *Ecce hominem, quem cru-
cifixisti; videte vulnera, quæ inflixi-
sti; agnoscite latus, quod transfixisti,
quoniam per vos, & propter vos aper-
tum est, nec tamen intrare voluisti.*

2. Quantum in malis erubescientiam
generabunt vulnera Christi, tantam in
oppositum consolationem, & lætitiam
justis afferent. *Aspicient, quem con-
fixerunt suis peccatores sceleribus, &
aspicient, quem dilexerunt ex toto corde
Justi. Namque in vulneribus Christi
repe-*

reperient effugium , & robur : & Christus pro eis loquetur ; Verum est eos peccâsse, verum in oppositum etiam est, quia superaverunt in his vulneribus. Et quia pro suis delictis meam obtulerunt passionem , séque purpura regali mei sanguinis vestiverunt ; digni facti sunt, qui in cœlestem gloriam introirent.

3. S. Mechtildem , in visu raptam in judicium , accusârunt Angeli sancti , & creaturæ omnes. Seraphini ob reponrem in amando , Cherubini ob exilitem sciendi , Throni incusabant defensum pacis, Apostoli exiguum doctrinæ suæ curam , Martyres in fortitudine pusillam magnanimitatem , Beata Virgo in fidelitate erga filium suum integratatem , creaturæ omnes in usu sui abusum. Inter hæc Christus ad Mechtildem versus , eam bono esse animo jussit , & intentata crimina diluit. Ex quo illa animosior facta talem , ac tantum ad vocatum in brachia sumpsit , offerens ejus vulnera , & inde manantem sanguinem cum

cum meritis Passionis pro suis defectibus. Et quidem humilitatem pro sua superbia, charitatem pro sua tepiditate. Hac itaque oblatione satisfecit iudici, & iudicij penas declinavit.

CONSIDERATIO XLV.

Christus vulneratus Incentivum Charitatis.

Ex solo sanctissimorum vulnerum aspectu sentit se anima accendi, & inflammari charitate Dei. Patent viscera per vulnera, patet arcanum cordis per foramina corporis. Tanto major erit ardor, quanto attentius ea contemplata fuerit; juxta consilium S. Pauli, penetrando quanta sit longitudo, latitudo, profunditas, & sublimitas vulnerum. In charitate radicati & fundati, ut possitis comprehendere cum omnibus Sanctis, quae sit longitudo, latitudo, sublimitas, & profundum, Illæ enim manus vulneratæ

neratæ occludunt nobis infernum, &
reserant cœlum per omnem æterni-
tatem.

2. Ignem veni mittere in terram.
Venit Dominus ad accendendum, &
inflammandum Mundum igne divini
amoris: & hic ignis prodiit ex quinque
fornacibus accensis, quæ sunt divina
vulnera. Qui vultis ab hoc igne ac-
cendi, accedite ad divina vulnera, &
inflammamini.

3. Viro eximiæ sanctitatis inter pre-
candum medium efficacissimum pro
excitando in se amore divino flagitanti
respondit Christus, ut se in considera-
tione suæ humanitatis vulneratæ, & in
Passione sauciatæ exerceret. Siquidem
in illa mirum in modum resplendet cha-
ritas Dei. Exerce te in humanitate
mea passionata & vulnerata, nam in
ea maximè lucet mea charitas non aliter,
quâns Sol in suo splendore, rosa rutilans
in suo odore, ignis vehemens in suo fra-
granti æstu, & ardore.

CON-

CONSIDERATIO XLVI.
**Christus vulneratus Conversio
 Animarum.**

Ad juvenem ab amore carnali, & mundano convertendum ad sanctum & divinum, comparuit Dominus ceu noviter passus, quasi plagis recentibus crucifixus, & dixit ei: *Me diligas, qui sum formosus, bonus, dulcis, & generosus.* His dictis evanuit, mulier vero plena jubilo & exultatione omnem tentationem excussum.

2. Allabora, ut sacra vulnera eundem in te effectum sortiantur. Intuere illa, ceu vulnera Dei tui amantissimi, quique in seipso est pulcherrimus, optimus, dulcissimus, potentissimus.

3. Obscurabis Virginem sanctissimam, ut sanguine Filii sui tam copiosè ex illis vulneribus profusi scribat indelebiliter in corde tuo; *Me diligas, qui sum formosus, bonus, dulcis, & generosus.*

CON-

CONSIDERATIO XLVII.

*Christus vulneratus holocaustum
pro hominibus.*

I.

Quamvis tota vita Christi fuerit con-
tinuum sacrificium & holocaustum
juxta dictum Augustini, omne opus bo-
num ad Deum relatum dici potest **Sacri-
ficium**: nihilominus loquendo in ri-
gore, solum in altari crucis obtulit pro-
prium sacrificium, sui ipsius. Ipse
Christus dixit, *Pro eis ego sanctifico me
ipsum.* hoc est, sacrificio, ut explicant
Doctores: quia in Cruce accepit vul-
nera letalalia ad ipsius mortem proximè
ordinata. Quod necessarium est ad
verum, & proprium **Sacrificium**, ma-
xiimè holocausti.

2. Ad hoc **Sacrificium** concurrit non
solum per modum acceptationis, acce-
ptando voluntariè mortem, ut etiam
Martyres ad sua martyria concurrunt;
sed etiam per modum oblationis. Cum
enim

enim in cruce penderet , poterat vel amoliri carnifices , vel instrumentis mortis vim occidendi adimere , vel se in vita conservare . Quod Martyribus concessum non fuit , atque ob id ipsorum martyrium non erat propriè in rigore sacrificium . Adde , quod ipsorum mors non erat ordinata ad salutem Mundi , ut illa Christi fuit .

3. Considera , quomodo Christus mediis vulneribus seipsum obtulerit in sacrificium , & pro nobis , in quantum erat satisfactorium pro peccatis ; & pro se , in quantum erat satisfactorium pro collatis beneficiis ; & pro sua Humanitate in quantum , erat latriacum , nāmque offerebat debitum Deo cultum .

CONSIDERATIO XLVIII.

*Christus vulneratus Sacrificium
Justitiae.*

Sacrificium vulneratum Christi merito
appel-

appellatur Sacrificium Justitiae, illo
enim satisfat non solum adæquate, sed
etiam supereffluenter Justitiae Patris
æterni. Námque culpa fuit infinita
solummodo ex parte Deitatis offendæ;
satisfactio verò est infinita, & propter
personam, quæ eam acceptat, quæ est
Pater; & propter personam, quæ satis-
facit, quæ est Christus.

2. Sacrificium vulnerum secundum
S. Augustinum in cœlo erit perfectissimæ
Justitiae. Cùm ædificabuntur
muri Ierusalem, tunc acceptabis Sacri-
ficium justitiae: modo autem Sacrificium
pro iniquitate, spiritum contribulatum,
tunc Sacrificium justitiae laudis solius.
Beati enim, qui habitant in domo tua,
Domine: in sæcula sæculorum lauda-
bunt te, hoc est Sacrificium justitiae.
Adverte, quodnam sit perfectum sacri-
ficium justitiae. Sacrificium laudis so-
lius, Sacrificium laudis honorificabit
me. Hoc Deo perfectè redditur in
cœlo, ubi adoratur perfectè cultu la-
træ,

tria, ceu primum principium, & ultimus finis rerum omnium.

3. Idem sacrificium, ut alii docent, est in celo sacrificium satisfactorium; non jam ob culpam aut poenam, sed ob debitum reverentiae, cultus, & amoris, qui Deo debetur. In celo enim Deus modo perfectissime adoratur, amatur, laudatur.

CONSIDERATIO XLIX.

Vulnus Lateris Christi Refugium Peccatorum.

Montes excelsi cervis, petra refugium herinaceis. Maximi Sanctorum, significati per cervos, degunt per contemplationem in sublimibus montibus Paradisi: Inferiores verò in petra, quæ est Christus, & potissimum in ejus latere.

2. Sanctius dixerimus, adstruendo quod iidem utrobique versentur juxta di-

diversitatem affectuum. Tempore consolationis, ceu sitibundi cervi, decurrent immensam Paradisi planitiem, ad extinguendam in vivis fontibus sitim. Desolationis verò tempore, & cùm gravitatem suorū delictorum ruminant, ceu timida animalia aut herinacei, recurrunt ad præsidium securum lateris Christi.

3. Sed utut sit, tu cura, ut cum S. Comite Elzeario sis in vulneribus Christi. Sic ille ad conjugem suam scribit: Si me videre cupis, quære me in vulnera lateris Christi: ibi enim habito, & ibi me poteris invenire. Iste, si cervus es, copiosum vitæ fontem reperies. Ibidem si ob tua peccata es animal timidum & spinosum, reperies certam de venia spem, frueisque loco ceu terrâ refugii, & montibus celsis cœli.

CONSIDERATIO L.

Vulnera Christi Nuncia Pacis.

Desideratissimum illud nuncium
I.
Pacis

Pacis inter Deum & hominem attulere
nobis SS. vulnera Salvatoris. Pax vobis,
dixit post resurrectionem suam Christus
ad discipulos, & continuo ostendit eis
vulnera. Et cum hoc dixisset, ostendit
eis manus, & latus. Dicere videbatur:
si vobis grata est pax, debitas gratias re-
pendite ejus Authoribus vulneribus,
quæ ostendo.

2. Vera pax secundum Augustinum
consistit in visione Dei, pax in visione
SS. Trinitatis. Hæc autem est effectus
vulnerum. Collyrio sanguinis vulnerum
inunge oculos tuos, ut videoas beatifican-
tem essentiam divinæ gloriæ.

3. Uniuntur in vulneribus Christi
justitia & pax, quæ sibi invicem adver-
sabantur. Justitia, & Pax osculatæ
sunt. Hæc enim vulnera satisfaciunt
Justitiæ Dei, & nobis pacem ac miseri-
cordiam conferunt.

ex libri I. Kielarowici

❀ (†) ❀

S. Bernardus Serm. 43.
in Cant.

Tu, si sapis, imitaberis sponsæ
prudentiam atque hunc Myr-
rhæ tam charum Fasciculum de
principali tui pectoris nec ad ho-
ram patieris avelli. Amara illa
omnia, quæ pro te pertulit, sem-
per in memoria retinens, & assi-
dua meditatione revolvens, quæ
possis dicere & tu: Fasciculus
Myrrhæ dilectus meus mihi, in-
ter ubera mea commorabitur.

227
dilip!
m
o
p
d
d

E. A. S. et.



**the
ca
sium in Bielany**

biocece Jagiellońskae



00138

n

p

q



**Bibliotheca
P.P. Camaldulensium in Bielany**

Depozyt w Bibliotece Jagiellońskiej



00138

